

Spirit of Bosnia / Duh Bosne

An International, Interdisciplinary, Bilingual, Online Journal
Međunarodni, interdisciplinarni, dvojezični, online časopis

Nove pjesme

Milorad Pejić

NAGRADA

U dvorištu Narodne biblioteke podižu
na kamion kontejner do vrha napunjen
nevažnim knjigama, osuđenim na smrt
spaljivanjem u gradskoj toplani kako bi
oslobodile police za popularna izdanja.
Kad je kamion krenuo ispalo je nekoliko
lakših. Jedna tanka sa koricama boje
trule višnje sletila je ko list na vjetru
i pala otvorena pred nju na trotoar.
Djevojka je ušla i pogledala par
stihova. "Spasićemo je sirotu", reče
i gurnu poeziju u njegov ranac.

Taj sam zaljubljeni par vidio uveče
pod kamenim mostom. Spremali su se
za počinak, beskućnici. Kad su se uvukli
u vreću za spavanje i prikrpili jedno uz
drugo, ona je izvadila knjigu a on upalja.
Spržio je palac dok mu je žitala, ali je
držao plamen sve dok plina nije nestalo.
Nije mi poznato da je ikada neka knjiga
pjesama veću nagradu dobila.

Decembar 2012

KNJIGE

Tokom rata često sam se selio, zaboravljajući
svaki put pregršt knjiga ili ostavljajući poneku
koju nisam mogao dalje nositi. Na kraju sam
prazne šake prokrijumčario preko granice,
ali verujem da su knjige još u životu.

Nikad neću saznati čiju prašinu dišu u regalima,

ali zasigurno ih nikad niko ne otvara. Kao da
ozra?ene leže na policama napuštenih ku?a
oko ?ernobila. Oko ku?a namnožile se šume,
nakotilo zvjerinje... Jeleni otpalih rogova turaju
glave kroz prozore i njuše poeziju.

Januar 2012

BOSNA

1.

Ne živim ve? godinama u zemlji
gdje sam ro?en. Ali je posje?ujem
i to na isti na?in kao kad smo ko djeca
obilazili najbližu rodbinu. Iako svoj
medju svojim, osje?aš da si gost.

2.

Poneku rije? više ne prepoznajem.
I mnoga lica. U selima prazne
ku?e i puni grobovi. Ako odškrineš
vrata, od živih stvari vidje?eš šaren
ibrik za kafu i bijele fildžane za njim.
Kao da kvo?ka i pili?i preko sinije
prelaze.

3.

Razo?arenje stari i suši se s godinama.
Ali ne gubi na težini.

Januar, 2012

© 2013 Milorad Peji?

The preceding text is copyright of the author and/or translator and is licensed under a Creative Commons Attribution-NonCommercial-NoDerivs 3.0 Unported License.